

Cyflwyniad

1. Y ddogfen hon yw crynodeb annhechnegol o'r Adroddiad Arfarniad Cynladwyedd (AC) o Gynllun Datblygu Lleol ar y Cyd Ynys Môn a Gwynedd (CDLI). Mae'n egluro'r modd yr ymgwymerwyd â'r arfarniad a sut mae'r broses wedi dylanwadu ar ddatblygiad fersiwn derfynol o'r Cynllun..

Cefndir

2. Y mae'r gofyniad i bob Awdurdod Cynllunio Lleol (ACLI) gynhyrchu Cynllun Datblygu Lleol (CDLI) yn cael ei nodi yn Rhan 6 Deddf Cynllunio a Phrynu Gorfodol, 2004.
3. Cynllun defnydd tir yw CDLI sydd yn amodol ar archwiliad annibynnol, a fydd yn ffurfio'r cynllun datblygu statudol ar gyfer ardal awdurdod lleol at ddibenion y Ddeddf. Mae'n cynnwys gweledigaeth, strategaeth, polisiau ardal-eang ar gyfer mathau datblygu, dyraniad tir, a ble bo angen polisiau a chynigion ar gyfer ardaloedd alweddol o newid a gwarchodaeth. Caiff polisiau a dyraniadau eu nodi yn ddaearyddol ar y Map Cynigion sydd yn ffurfio rhan o'r cynllun.

Arfarniad Cynladwyedd (AC) ac Asesiad Amgylcheddol Strategol (AAS)

4. Mae Arfarnu Cynladwyedd i'r CDLI yn ofynnol o dan y Ddeddf Cynllunio a Phrynu Gorfodol, 2004. Mae AC yn broses systematig sydd â'r bwriad o werthuso'r effeithiau cymdeithasol, economaidd ac amgylcheddol posib o'r Cynllun.
5. Yn ogystal â'r gofyniad i gwblhau AC o'r CDLI, dan Gyfarwydddeb Ewropeaidd 2001/42/EC, sy'n cael ei gweithredu yn y DU dan Reoliadau Asesiadau Amgylcheddol o Gynlluniau a Rhaglenni 2004, dylai Cynlluniau Datblygu Lleol hefyd fod yn destun Asesiad Amgylcheddol Strategol (AAS). Mae AAS yn broses i sicrhau bod yr effeithiau amgylcheddol arwyddocaol sy'n deillio o gynlluniau a rhaglenni yn cael eu hadnabod, eu asesu, eu lliniaru, a'u cyfathrebu i'r sawl sy'n gwneud y penderfyniadau ac yna'u monitro.

Camau Allweddol a Thasgau yn y Broses AC

6. Mae camau a thasgau allweddol y broses AC fel a ganlyn:
 - **Cam A** Gosod y cyddestun a sefydlu'r waelodlin a phenderfynu ar y cwmpas
 - **Cam B** Datblygu a mireinio opsiynau ac asesu effeithiau
 - **Cam C** Paratoi'r Adroddiad Arfarniad o Gynaliadwyedd
 - **Cam D** Ymgynghori a gwneud penderfyniadau
 - **Cam E** Monitro gweithrediad y cynllun neu'r rhaglen

7. Bwriad cyffredinol yr AC terfynol yw adrodd ar y broses AC hyd yma a sut y mae wedi cyfarwyddo datblygiad y Cynllun terfynol . Mae'r adroddiad hwn wedi'i gyfarwyddo a'i fireinio gan yr ymgynghoriad yng Ngham Sgopio (A) ac mae'n darparu gwybodaeth am:
- y dulliau a ddefnyddiwyd yn ystod pob cam a phob elfen o'r gwaith o ddatblygu'r CDLI ar y Cyd,
 - nodweddion ardal y Cynllun Lleol a materion pwysig, gan gyflwyno'r amodau gwaelodlin a'r cyd-destun polisi, ynghyd â syniad o sut y gallai'r ardal ddatblygu heb y CDLI ar y Cyd.
 - y dewisiadau wrth lunio cynlluniau ac asesiad amgen yn yr Asesiad Amgylcheddol Strategol (AAS).
 - canfyddiadau'r AC o'r Hoff Strategaeth yn 2013;
 - canfyddiadau'r AC o'r Cynllun Adnau sy'n datblygu a Newidadau Ffocws;
 - canfyddiadau'r AC o'r Newidiadau Materion sy'n Codi ac argymhellion yr Arolygydd.
 - disgrifiad o'r mesurau monitro arfaethedig;

Prif Faterion Cynladwyedd

8. Mae'r materion cynladwyedd presennol a fydd yn effeithio ar Ardal y Cynllun wedi eu hadnabod trwy adolygiad o gynlluniau a rhaglenni a thrwy gasglu data gwaelodlin. Ceir crynodeb o'r materion hyn isod:

MAES Y PWNC	MATERION ALLWEDDOL
Bioamrywiaeth	<ul style="list-style-type: none"> ● Bygythiadau i gywirdeb a chysondeb nodweddion bioamrywiaeth ● Yr angen i ddiogelu Coetiroedd Rhannol Naturiol
Cymunedau	<ul style="list-style-type: none"> ● Poblogaeth sy'n heneiddio ● Allfudo gan bobl ifanc ● Poblogaeth gymharol iach a diogel ond gydag amrywiadau'n amlwg o fewn ardal y CDLI ar y Cyd ● Anghydraddoldebau amddifadedd cymdeithasol
Ffactorau Hinsoddol	<ul style="list-style-type: none"> ● Cynnal ansawdd aer da yn gyffredinol ● Nwyon tŷ gwydr a bygythiad newid hinsawdd
Treftadaeth Ddiwylliannol	<ul style="list-style-type: none"> ● Gostyngiad diweddar yng nghyfran y siaradwyr Cymraeg ● Treftadaeth ddiwylliannol ac amgylchedd hanesyddol cyfoethog ac amrywiol

MAES Y PWNC	MATERION ALLWEDDOL
Yr Economi	<ul style="list-style-type: none"> Gwerth Ychwanegol Crynswth (GVA) cymharol isel yn benodol yn Ynys Môn Cyfradd gweithgarwch economaidd gymharol uchel yn ardal y CDLI ar y cyd ond diweithdra uwch na'r cyfartaledd yn Ynys Môn Gostyngiad mewn diwydiannau'r tir Enillion llai na'r cyfartaledd Cyrhaeddiad addysgol Gwella'r diwydiant twristiaeth
Tai	<ul style="list-style-type: none"> Amddifadedd tai yn benodol yng Ngwynedd Fforddiadwyedd a diffyg tai fforddiadwy Tai gwag ac ail gartrefi
Tirwedd	<ul style="list-style-type: none"> Pwysau ar ddynodiadau tirwedd pwysig
Priddoedd, Mwynau a Gwastraff	<ul style="list-style-type: none"> Cynnal dwysedd carbon priddoedd yng Ngwynedd Maint cyfyngedig o'r tir amaethyddol gorau a'r tir mwyaf amlbwrpas Twf mewn Gwastraff Bwrdeistrefol Lleihau dibyniaeth ar safleoedd tirlenwi
Trafnidiaeth	<ul style="list-style-type: none"> Dewisiadau trafndiaeth cyfyngedig Dibyniaeth uchel ar gar preifat ar gyfer trafndiaeth
Dŵr	<ul style="list-style-type: none"> Cynnal safon afonydd dda a gwella safonau ble bo angen Cynnal dyfroedd ymdrochi glân a gwella eraill Nifer o ardaloedd poblog wrth risg o orlifo Llai o adnoddau dŵr ar gael

Amcanion a Dangosyddion Cynladwyedd

9. Deilliant allweddol o'r Adroddiad Cwmpasu AC oedd datblygiad fframwaith arfarniad o amcanion arfaethedig, is-amcanion a dangosyddion a gaiff eu defnyddio i adnabod, disgrifio a gwerthuso effeithiau amgylcheddol positif a negatif cynllun. I gyd, mae 11 o amcanion AC arfaethedig sy'n ymdrin ag agweddau amgylcheddol, cymdeithasol ac economaidd-gymdeithasol:

Amcan	Pynciau AAS
<ul style="list-style-type: none"> Cynnal a mwyhau buddion bioamrywiaeth a chysylltedd 	Bioamrywiaeth, Fflora, Ffawna, Pridd
<ul style="list-style-type: none"> Hyrwyddo hyfywdra, cydlyniant, ac iechyd a lles cymunedol 	Iechyd bodau dynol, y boblogaeth
<ul style="list-style-type: none"> Rheoli a lleihau effeithiau newid hinsawdd drwy 	Ffactorau Hinsawdd,

hyrwyddo a chefnogi mesurau lliniaru ac addasu	Aer
<ul style="list-style-type: none"> ▪ Gwarchod, hyrwyddo a mwyhau'r iaith Gymraeg 	Treftadaeth Ddiwylliannol
<ul style="list-style-type: none"> ▪ Gwarchod, hyrwyddo a mwyhau adnoddau diwylliannol ac asedau treftadaeth hanesyddol 	Treftadaeth Ddiwylliannol
<ul style="list-style-type: none"> ▪ Cefnogi twf economaidd a hwyluso economi fywiog, amrywiol sy'n darparu cyfleoedd cyflogaeth lleol 	Poblogaeth
<ul style="list-style-type: none"> ▪ Darparu tai o ansawdd da, yn cynnwys tai fforddiadwy sy'n bodloni angen lleol 	lechyd bodau dynol, y boblogaeth
<ul style="list-style-type: none"> ▪ Gwerthfawrogi, cadw a mwyhau tirweddau gwledig a threfweddau trefol ardal y cynllun 	Tirwedd
<ul style="list-style-type: none"> ▪ Defnyddio'r tir ac asedau mwynol yn effeithlon a hyrwyddo mecanweithiau ar gyfer lleihau aildefnyddio ac ailgylchu gwastraff 	Asedau materol, pridd
<ul style="list-style-type: none"> ▪ Cefnogi a mwyhau cysylltiadau trafnidiaeth da i gefnogi'r gymuned a'r economi 	lechyd bodau dynol, y boblogaeth
<ul style="list-style-type: none"> ▪ Diogelu ansawdd dŵr, rheoli cynladwyedd adnoddau dŵr ac isafu'r risg o lifogydd 	Dŵr, Bioamrywiaeth

AC o'r Dewisiadau Amgen

Opsiynau Strategol

10. Y cam nesaf yn y broses AC oedd cynnal asesiad o'r Dewisiadau Amgen o'r opsiynau strategol ar gyfer y strategaeth ofodol a ddatblygwyd ar gyfer y CDLI ar y Cyd.
11. Nod cyffredinol y cam hwn o'r gwerthusiad oedd datblygu opsiynau'r cynllun a'u hasesu yn erbyn yr amcanion cynladwyedd er mwyn cyfarwyddo datblygiad y Strategaeth a Ffebrir yn y modd mwyaf cynaliadwy.
12. Cyflwynwyd pum opsiwn gofodol ar gyfer CDLI ar y Cyd Môn a Gwynedd:
 - i) **Opsiwn D1** – Canolbwyntio ar Fangor a'r Prif Aneddiadau Allweddol
 - ii) **Opsiwn D2** – Canolbwyntio ar Fangor, y Prif Aneddiadau Allweddol a'r Brif Ardal Ffocws a'r Ail Ardal Ffocws a'u dalgylchoedd
 - iii) **Opsiwn D3** – Dosbarthiad Cymesur Trefol a Gwledig

- iv) **Opsiwn D3** – Dosbarthiad Cymesur Trefol a Gwledig
- v) **Opsiwn D4** – Canolbwyntio ar ddatblygiadau mawr raddfa gymysg

13. Yn gyffredinol, dangosodd y gwerthusiad mai Opsiwn D3 oedd yr opsiwn mwyaf cynaliadwy, gan sgorio orau yn erbyn y rhan fwyaf o'r amcanion cynaliadwyedd. Mae dosbarthu datblygiad yn gymesur drwy holl ardal y Cynllun yn rhoi sylw i anghenion economaidd-gymdeithasol y boblogaeth drefol a gwledig, tra ar yr un pryd yn lleihau'r effaith bosibl ar yr amgylchedd oherwydd natur wasgaredig y datblygu.

14. Nodwyd pedwar opsiwn twf hefyd ar gyfer y CDLI ar y Cyd:

- i) **Opsiwn T1** – 'Dosraniad Isranbarthol'
- ii) **Opsiwn T2** – 'Twf ar sail dueddiadau poblogaeth'
- iii) **Opsiwn T3** – 'Tueddiadau adeiladu'
- iv) **Opsiwn T4** – 'Twf ar sail economaidd yn unig'

15. Ar y cyfan, roedd Opsiynau T1 a T3 yn darparu dull gweithredu mwy cytbwys o ran cynaliadwyedd nag opsiynau T2 a T4; fodd bynnag, fel y canfuwyd gydol yr arolwg, gellir lliniaru llawer o'r effeithiau negyddol (a ganfuwyd ar gyfer pob opsiwn, ond yn benodol ar gyfer Opsiwn T2) drwy bolisiau cryf yn y Cynllun Datblygu Lleol (e.e. ar dirwedd a bioamrywiaeth) a lleoli datblygiadau'n briodol.

16. Ar sail canlyniadau'r broses ymgysylltu a'r broses AC, ystyriwyd y byddai'n gallach cynllunio ar gyfer ffigwr oedd yn caniatáu ar gyfer lefel dwf ychydig yn uwch na'r lefelau twf isaf (Opsiwn T3 a T4) ond y byddai Opsiwn T2 yn afrealistig ac yn anodd i'w ddarparu.

17. O ganlyniad, datblygwyd lefel tyfiant hybrid /amgen (opsiwn twf canolig). Ystyriwyd fod yr opsiwn twf Canolig hwn yn fwy realistig ac yn fwy posibl i'w ddarparu. Mae'n darparu ar gyfer ac yn hwyluso twf yn yr economi leol, yn enwedig yn y sector ynni, ynghyd â thwf net mewn swyddi a chynnydd cysylltiedig yn y galw am dai a gwasanaethau.

18. Mewn ymateb i'r sylwadau a dderbyniwyd yn ystod yr ymgynghoriad cyhoeddus ym Mai 2013, ac adolygiad o amgylchiadau lleol, adolygwyd y targedau tai. Fodd bynnag, ystyriwyd nad oedd y twf adeiladu diwygiedig ar gyfer yr ardal yn gwyro o'r opsiwn twf hybrid a gariwyd ymlaen yn 2012. Mae'r rhesymau dros ddewis a gwrthod opsiynau yn yr Hoff Strategaeth yn barhau i fod yn ddilys yng ngolau'r tystiolaeth newydd. O ganlyniad, nid oedd yn angenrheidiol ymgymeryd â gwaith arfarnu pellach.

Opsiynau Dynodiadau Safleoedd

19. Er mwyn canfod pa dir sydd ar gael er mwyn cwrdd ag anghenion datblygu Ynys Môn a Gwynedd, yn Hydref 2011, agorwyd Cofrestr Safleoedd Posib (CSB) yn ffurfiol, ble cynigiwyd i randdeiliaid, perchnogion tir a grwpiau eraill â diddordeb, i gyflwyno tir ar gyfer cael i gynnwys yn y CDLI. Cynigiwyd cyfanswm o 865 safle posib gyda 364 yng Ngwynedd a 501 yn Ynys Môn.

20. Gwaredwyd y safleoedd hynny nad oedd yn bodloni'r meini prawf cyflwyno yn yn y gwaith hidlo cychwynnol o'r safleoedd posib yn erbyn y fethodoleg a gytunwyd arni h.y. adnabuwyd hwy yn hollol anrealistic i'w datblygu, nid oeddent yn cydymffurfio â pholisi rhyngwladol, cenedlaethol neu lleol, neu roedd ganddynt gyfyngiadau sylfaenol nad oedd yn bosib eu lliniaru. O ganlyniad, gwaredwyd 243 o safleoedd o'r broses asesu.
21. Roedd yr holl opsiynau rhesymol a adnabuwyd drwy'r Broses a Methodoleg Safleoedd Posib y Cynghorau yn destun i AC. Mae'r canlyniadau'n cael eu cyflwyno yn y brif Adroddiad AC ynghyd â'r rhesymau am dderbyn neu wrthod opsiynau safleoedd.

AC o'r Hoff Strategaeth (2013)

22. Cynhaliwyd Arfarniad o Gynaliadwyedd o'r Weledigaeth a'r amcanion. Ar y cyfan roedd y weledigaeth yn gydnaws â'r amcanion allweddol a nodir yn y Fframwaith Arfarniad o Gynaliadwyedd ac yn darparu fframwaith strategol cadarn ar gyfer cyflawni cynaliadwyedd tymor hir i'r economi, cymunedau ac amgylchedd Ynys Môn a Gwynedd.
23. Casgliad yr Arfarniad o Gynaliadwyedd o'r amcanion oedd yn gyffredinol bod y rhan fwyaf o'r Amcanion Arfarniad o Gynaliadwyedd naill ai'n cyd-fynd ag Amcanion y CDLI ar y Cyd neu nad oedd ganddynt unrhyw berthynas â hwy. Gwelwyd mai dim ond nifer llai o amcanion allai fod yn gwrthdaro â'i gilydd. Gwnaed mân ddiwygiadau i'r weledigaeth a'r amcanion i wella eu perfformiad cynaliadwyedd.
24. Cam nesaf y broses Arfarniad o Gynaliadwyedd oedd cynnal asesiad o bolisiau strategol y CDLI ar y Cyd. Mae'r polisiau hyn yn strategol o ran natur a chawsant eu llunio yn ôl Gweledigaeth ac Amcanion y CDLI ar y Cyd a'r rhain yw'r dulliau a gynigir i gyflawni'r strategaeth gyffredinol a ffefrir.
25. Gwnaed mân ddiwygiadau i rai o'r polisiau i wella eu perfformiad cynaliadwyedd.

AC o'r Cynllun Adnau (2015)

26. Mae'r AC o'r Cynllun Adnau (gan gynnwys polisiau manwl) wedi ei strwythuro gan ddilyn 12 pwnc allweddol sydd wedi'u cysylltu ag Amcanion perthnasol yr AC yn ogystal â phynciau'r Gyfarwyddeb AAS. Mae'r arfarniad o bob un o'r pynciau hyn wedi'i rannu yn nifer o is-benawdau er mwyn sicrhau bod pob agwedd o'r CDLI ar y Cyd yn cael eu hystyried, yn cynnwys polisiau a dyraniadau safleoedd, yn ogystal â'r gydberthynas rhwng pynciau ac effeithiau cronus y Cynllun yn ei gyfarwydd.
27. Yn unol â Chyfarwyddeb a Rheoliadau'r AAS, mae unrhyw effeithiau arwyddocaol tebygol (gan gynnwys effeithiau synergol a chrynodol) yn cael eu nodi, ochr yn ochr ag unrhyw fesurau lliniaru sydd eu hangen i fynd i'r afael â hwy.

28. Ar y cyfan, canfu'r Arfarniad o Gynaliadwyedd fod y CDLI ar y Cyd yn debygol o gael effeithiau cronol cadarnhaol yn y tymor byr i hir yn erbyn Amcanion yr Arfarniad o Gynaliadwyedd sy'n ymwneud â thai, yr economi, cymunedau a thrafnidiaeth. Bydd darparu tai a chyflogaeth ynghyd â gwelliannau cysylltiedig i seilwaith, gan gynnwys cyfleusterau lleol/ cyfleusterau a chludiant cyhoeddus, yn sicrhau bod anghenion presennol a dyfodol cymunedau yn cael eu bodloni.
29. Canfu'r Arfarniad o Gynaliadwyedd fod potensial ar gyfer effeithiau negyddol cronol yn erbyn Amcanion yr Arfarniad o Gynaliadwyedd sy'n ymwneud â'r amgylchedd, yn enwedig y rhai sy'n ymwneud â'r dirwedd, treftadaeth, bioamrywiaeth, pridd ac ansawdd yr aer. Daeth yr Arfarniad o Gynaliadwyedd i'r casgliad bod y CDLI ar y Cyd yn cynnwys digon o ddarpariaeth liniarol i sicrhau nad yw'r effeithiau negyddol posibl yn sylweddol. Lle bo angen, gwnaeth yr Arfarniad o Gynaliadwyedd argymhellion i helpu i gryfhau'r lliniaru polisi sydd yn y Cynllun. Roedd hyn yn cynnwys argymhellion penodol ar gyfer dyraniadau safle posibl lle y bo'n briodol.

AC o'r Newidiadau Ffocws (2016)

30. Gwnaed nifer o Newidiadau â Ffocws yn dilyn yr ymgynghoriad ar y CDLI ar y Cyd Adnau yn 2015. Cafodd y newidiadau hyn eu sgrinio trwy'r broses Arfarniad o Gynaliadwyedd i benderfynu a ydynt yn effeithio'n sylweddol ar ganfyddiadau'r gwaith Arfarniad o Gynaliadwyedd blaenorol a wnaed ar gyfer yr CDLI ar y Cyd Adnau. Canfu'r sgrinio bod y newidiadau yn fân ac nad ydynt yn cael effaith sylweddol ar ganfyddiadau'r gwaith IA blaenorol gan eu bod yn ceisio darparu eglurhad pellach neu osgoi ailadrodd. Er nad ystyrir bod angen unrhyw waith arfarnu sylweddol pellach, ystyriwyd ei bod yn briodol diweddarau canfyddiadau'r Arfarniad o Gynaliadwyedd i'r CDLI ar y Cyd Adnau er mwyn adlewyrchu'r diwygiadau arfaethedig, gan gynnwys polisiau newydd, yn ogystal â'r ymatebion a dderbyniwyd i'r ymgynghoriad.

AC o'r Newidiadau Materion sy'n Codi (2017)

31. Cynigiwyd nifer o newidiadau i'r CDLI ar y Cyd a ddaeth i'r amlwg o ganlyniad i faterion a ystyriwyd yn ystod Sesiynau Gwrandawriad y CDLI ar y Cyd. Roedd yn bwysig sicrhau bod unrhyw newidiadau arfaethedig yn cael eu sgrinio drwy'r broses AC i benderfynu a ydynt yn effeithio'n sylweddol ar ganfyddiadau gwaith yr AC blaenorol a gyflwynwyd yn yr Adroddiad AC (Chwefror 2016) a ph'un ai oedd angen rhagor o waith arfarnu. Cynhyrchwyd Adroddiad Adendwm AC i ddogfennu yr asesiad (Dogfen archwiliad DA041) a dylid ei ddarllen ar y cyd â'r Adroddiad Terfynol. Darganfu'r sgriniad mai mân oedd yr holl newidiadau arfaethedig ac nad oeddent yn effeithio'n sylweddol ar ganfyddiadau gwaith yr AC blaenorol gan eu bod yn ceisio darparu rhagor o eglurhad neu sicrhau cysondeb. Roedd yr Adroddiad Adendwm yn ddarostyngedig i ymgynghoriad cyhoeddus ochr yn ochr â'r Newidiadau Materion sy'n Codi am gyfnod o chwe wythnos yn dechrau Ionawr 2017.

32. Atodlen o Newidiadau Materion sy'n Codi (DA.039 a DA.040) oedd yn destun ymgynghoriad cyhoeddus o 23 Ionawr hyd at 9 Mawrth 2017. Arweiniodd

ystyriaeth i'r sylwadau a'r drafodaeth mewn Sesiynau Gwrandawriad a gynhaliwyd ar 26 a 27 Ebrill 2017 at nifer o fân ddiwygiadau i'r Atodlen Newidiadau Materion sy'n Codi. Cyhoeddwyd Atodlen derfynol o Newidiadau Materion sy'n Codi ar 8 Mai 2017. Roedd y diwygiadau i'r Atodlen Newidiadau Materion sy'n Codi yn destun asesiad sgrinio AC. Darganfu'r gwaith hwn mai mân oedd yr holl newidiadau ac nad oeddent yn effeithio'n sylweddol ar ganfyddiadau gwaith yr AC blaenorol gan eu bod yn ceisio darparu rhagor o eglurhad neu sicrhau cysondeb.

Newidiadau Gorfodol Argymhellwyd gan yr Arolygydd (2017)

33. Gwnaeth yr Arolygydd argymhellion rhwymol a oedd yn golygu cyfres o Newidiadau Materion sy'n Codi (NMC) a nodwyd yn Atodiad A yn ei Adroddiad. 'Roedd y NMC yn y gofrestr o Newidiadau a gyfeiriwyd atynt ym mharagraff 32 uchod ac felly wedi cael eu sgrinio yn barod. Gwnaeth yr Arolygydd un Newid ychwanegol i'r Materion sy'n Codi (ANMC), a nodwyd yn Atodiad B yn ei Adroddiad. O ystyried natur yr ANMC, mae'r Arolygydd yn casglu nad yw'r newid yn tansilio'r prosesau AC, AAS a'r ARC a gynhaliwyd, ac nid yw'n cyfaddawdu strategaeth y Cynllun chwaith. Sgriniwyd argymhelliad yr Arolygydd er mwyn pennu a oedd y newid yn ddigon sylweddol ac a fyddai'n golygu effeithiau cynaliadwyedd arwyddocaol. Casglwyd na fyddai'r newid yn cael effaith sylweddol ar faterion cynaliadwyedd ac AC cyffredinol y Cynllun, yn unol â chanfyddiadau'r Arolygydd.

Ymgynghoriad

34. Bu'r Arfarniad o Gynaliadwyedd yn destun ymgynghoriad cyhoeddus ar y cam sgopio yn 2011 a bu Drafft Adroddiad Arfarniad o Gynaliadwyedd Cychwynnol ar gael ar wefanau'r Cyngor ym mis Gorffennaf 2012. Yn ogystal, cynhaliwyd ymgynghori pellach ar yr Adroddiad Arfarniad o Gynaliadwyedd Cychwynnol (Mai 2013) a oedd ynghlwm wrth y Ddogfen Hoff Strategaeth yn 2013 yn ogystal â'r Adroddiad Arfarniad o Gynaliadwyedd (Chwefror 2015) a oedd yn cael ei gyflwyno ynghyd â'r CDLI ar y Cyd Adnau yr ymgynghorwyd arno yn 2015. Felly bu ymgynghori yn elfen barhaus ac ailadroddol hanfodol o'r broses o wneud y cynllun a'r prosesau Arfarniad o Gynaliadwyedd. Mae'r sylwadau a dderbyniwyd yn ogystal ag ymatebion iddynt yn cael eu cyflwyno fel rhan o'r prif Adroddiad Arfarniad o Gynaliadwyedd.

Cynigion Monitro

35. Awgrymwyd cynigion monitro trwy gydol y broses Arfarniad o Gynaliadwyedd a bydd yn cael ei symud ymlaen ochr yn ochr â'r CDLI ar y Cyd. Mae canllaw Llywodraeth Prydain ar AG/AAS yn cynghori y dylid defnyddio trefniadau monitro sy'n bodoli ble fo'n bosib, i osgoi dyblygu. Cadarnheir y dull hwn gan gyfarwyddyd Llywodraeth Cymru, sydd yn cynghori y gellir integreiddio monitro AAS gyda'r Adroddiad Monitro Blynyddol (AMB), gofyn statudol ar gyfer y CDLI. Felly, ble fo'n

briodol yn yr AMB bydd bob un o amcanion yr AC yn cael eu hasesu yn erbyn dangosyddion monitro'r Cynllun sy'n berthnasol i'r amcanion cynaliadwyedd.